



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

IGREYIDI 12

ISINDEBELE ILIMI LOKUTHOMA LOKWENGEZA (FAL)

IPHEPHA LOKUTHOMA (P1)

NOVEMBA 2018

IMITLOMELO: 80

ISIKHATHI: Ama-iri ama-2

Iphepheli linamakhasi ali-12.

YELELA

1. Iphepheli LINEENGABA EZINTATHU: ISIGABA A, B, kanye NESIGABA-C.

ISIGABA A:	Ukufunda nokuzwisia	(30)
ISIGABA B:	Ukurhunyeza	(10)
ISIGABA C:	Izakhi nemithetjhwana yokusetjenziswa kwelimi	(40)
2. Phendula YOKE imibuzo.
3. Thoma isigaba ESINYE NESINYE ehasini ELITJHA.
4. Thalela ngemva kokuphendula imibuzo yesigaba ngasinye.
5. Tlola iinomboro zemibuzo njengombana zinjalo ephepheni lemibuzo.
6. Tjhiya umuda OWODWA ngemva kwaleyko naleyo pendulo.
7. Yeleta bona upeleda amagama ngendlela efaneleko bewutlole nemitjho ezwakalako.
8. Isikhathi esiphakanyisweko sokuphendula isigaba ngasinye:

ISIGABA A:	Pheze imizuzu ema-50
ISIGABA B:	Pheze imizuzu ema-20
ISIGABA C:	Pheze imizuzu ema-50
9. Tlola kuhle ngesandla esibonakalako.

ISIGABA A: UKUFUNDA NOKUZWISISA**UMBUZO 1**

Phendula UMBUZO 1.1 KANYE NOMBUZO 1.2.

- 1.1 Funda itheksthi engenzasi bese uphendula imibuzo elandelako.

ITHEKSTHI A**AMATHUBA WELUTJHA KEZOKULIMA**

- | | | |
|---|---|---------------|
| 1 | Ukulima esikhathini sanamhlanje sekuthathelwa phasi. Ngakelinye ihlangothi kubudisi nokulimokho, ngombana ubujamo bezulu sebatjhuguluka khulu ephasini mazombe. Izulu alisani ngokwaneleko ehlobo. Kesinye isikhathi lina ngokudluleleko ligcine libolisa iintjalo. Linciphe khulu inani labosomaplaşı abalimako ngombana itjhejo abalifumanı ngokwaneleko. ISewula Afrika ingenye yeenarha engawutjheji ngokwaneleko umkhakha wezokulima. Iphoso ekulu eyenziwa ngRhulumende kukobana isifundo seSayensi yezokuLima asisakatelelwa. Abafundi abasazibandakanyi esifundwenesi. Ekadeni wawuthi nawudlula esikolweni ukhangwe ziingadi ezinemirorho ehlaza tlabha. Ngepelaveke abafundi bebaqinisekisa bona bayathelelela. Ubuvíla nabo buthi ngilapha nemakhaya sekuthengwa ngitjho nomrorho imbala, okuyinto ebebangazitjalela yona eengadini. Nawuphosa amehlo emaplasini, yinye kuphela into ozoyibona, yifuyo kwaphela sekwaba libhudango lelo ukubona isimu ehlaza tlabha. | 5
10
15 |
| 2 | Abantu abatjha abanengi eSewula Afrika namhlanje basuka eendaweni ezisemakhaya bafuduukele emadorobheni ngomnqopho wokuyokufuna umsebenzi. Abantu abatjhaba abanalemuko lokobana umsebenzi kuhle kuhle bawutjhiya emuva emakhaya. Inarha le iqale bona kube ngibo ababa bosomaplaşı ngombana abantu abanelemuko sebaseduze nokuya kiboyisemkhulu. Lokhu akuyibeki ebujameni obuhle inarha le. Kuqakathekile bona ilandele ikulomo ethi: 'Abadala bangakhambi neendawula baye nazo ebezimini.' Umbuzo-ke kukuthi ngikuphi okungenziwa ukudosa abantu abatjha bona babe nekareko kezokulima begodu bahlale eendaweni zemakhaya balime? Kazi ukulima kudlala indima ekulu ekuthuthukiseni ikusasa lenarha le, ukulwiana nomtlhago nokuphakela isitjhaba ngokudla. | 20
25 |
| 3 | UNggongqotjhe womNyango wezokuLima amaHlathi neenHlambi embusweni ophakathi uSenzeni Zokwana uthi; 'Umbuso wekhethu uzama ngamandla ekutholeni iindlela zokudosa abantu abatjha ngobunengi bona babe nekareko emkhakheni wezokulima.' Amagama kaNggongqotjhe afakazelwa kusungulwa kwehlangano iLandcare. Ihlangano le ilemuke bona kunesidingo esikhulu sokufundisa ngamakghono womsebenzi ukuze ilutjha lifumane umsebenzi. Isungule amahlelo wezokulima abandakanya ilutjha eliseenkolweni nalelo elisemakhaya. Ihlelo elaziwa khulu ngeJunior Landcare elitjheja ukungasebenzi kwelutjha, ukuthuthukiswa kwamakghono, ukutholakala kokudla eenkolweni nelwazi lebhoduluko khulukhulu elutjheni elibuya eendaweni zemakhaya eladinywa amathuba. | 30
35 |

- 4 Emnyakeni wee-2012 ukuya kewee-2013 ihlelo *leJunior Landcare* 40 lakghona ukudala amathuba womsebenzi ayi-1211 khulukhulu eendaweni ezisemakhaya. Ihlelweli lakghona nokudlulisela amakghono azi-12280 ngokubandula ilutjha ngeendlela ezihlukahlukene ko begodu lenza iingadi zeenkolweni ezili-100. lintanka zamanzi neendlela zokonga ngeminye yeminikelo eya lethwa 45 ngilehlangano. Azange igcine ngalokho yalula isandla nekutjhejeni abentwana abangafumani ukudla okunezakhamzimba nekuphakeleni iinkolo ngokudla. Kazi yagcina sele imumondli weentandani begodu yatjheja nabentwana abadobha phasi.
- 5 Okhunye okuhle khulu ngehlangano le kukobana yathomela abantu abatjha abasafunda eenkolweni emakampeni ahlukahlukene ko bona bayokufunda ngebhoduluko. Ukuya ngehlelo lehlangano le, abatjha banamalungelo wokuzibandakanya ngokuzinikela nangokobana bakhambe baqala iindingo zeensetjenziswa zokulima emphakathini. Ngemva kobana sebazitholile iindingwezo batlama iplani yebhizinisi 55 bebabawe isizo leemali kunobhala womNyango wezokuLima namaHlathi.
- 6 Ithekhnoloji nayo yndlala indima ekulu ekuthuthukiseni ihlelo lezokulima. Uyazi-ke bona ilutjha nethekhnoloji mamathe nelimu. Inengi lalo linamakghono kezethekhnoloji, manje lokho kuyalisiza ekusebenziseni imitjhini ehlukahlukene ko yezokulima. Iyodwa esetjenziselwa ukuhlola ihlabathi bona ilungele ukutjala, iyodwa ehlola iintjalo bona azinangogwana nehlola bona sekusikhathi sokobana zidliwe. Isifunda sakwaZulu-Natal sona senza 60 iimfundobandulo ukuthuthukisa ilwazi nokukhuthaza ilutjha kezokulima. Iimfundobandulwezi zikhuthaza bona abatjha babe bosomabubulo emkhakheni wezokulima. UNgqongqotjhe wezokuLima nokuThuthukiswa koMphakathi uCyril Xaba ekulumenakhe yokuvala umnyanya we-Agricultural Summit owawubanjelwe e-Olive 70 Convention Centre e-Durban wathi; 'Ukuba ngusomapla si kulirhwebo elirarha ubuchaka nokuthogeka kwemisebenzi.'
- 7 Ilutjha lifanele lihlakaniphe lingakhohlwa bona idzinyani nalizakuba yikukhu lathomha ngokuphula iqephe leqanda lasunduza ngamandla, larhubharhubha ezaleni, lagcina liyikukhu.

[Ithethwe ku-Inthanethi yatjhugululelw esindebeleni]

- 1.1.1 Tlolol ibizo likaNgqongqotjhe womNyango wezokuLima amaHlathi neenHlambi embusweni ophakathi. (1)
- 1.1.2 Veza isizathu esenza bona ilutjha lifudu ke emakhaya lifudu kele emadorobheni. (1)
- 1.1.3 Veza umehluko okhona phakathi kwamapla si wekadeni namapla si wanamhlanje ukuya ngetheksthi engehla. Ipendulwakho ayibe liphuzu ELILODWA. (2)

- 1.1.4 Rhunyeza ngephuzu ELILODWA umsebenzi wehlelo leJunior Landcare. (2)
- 1.1.5 Veza iindlela EZIMBILI ithekhnoloji esebenza ngayo ukusiza kwezokulima. (2)
- 1.1.6 Ucabanga bona ngisiphi isizathu esenza bona ilutjha lingayifuni indaba yokulima? Ipendulwakho ayibe maphuzu AMABILI. (2)
- 1.1.7 Hlathulula umphumela omumbi ongalethwa kukobana amaplesi amanengi asetjenziselwe ukufuya kwaphela. Ipendulwakho ayibe liphuzu ELILODWA. (2)
- 1.1.8 Phendula ngoLIQINISOnofana AKUSILO IQINISO bese usekela isiquonto osithathako ngephuzu ELILODWA.
Ukulima kungasiza khulu ekulwisaneni nokutlhogeka komsebenzi kunokufuya enarheni le. (2)
- 1.1.9 Ingabe ikulomo ethi: 'Abadala bangakhambi neendawula baye nazo ebezimini' ihlathulula ukuthini nakuza kwezokulima nelutjha? (2)
- 1.1.10 Ucabanga bona kuqakatheke ngani ukobana kufundiswe ilutjha ngebhoduluko nangeendlela zokonga amanzi? (2)
- 1.1.11 Ngokubona kwakho ucabanga bona nange ukulimanofana ukungatjali kungathogonyelwa kungaba namuphi umphumela ephasini lekhethu? Tlola iphuzu ELILODWA. (2)
- 1.1.12 Ngikuphi OKUBILI ongayeletisa ngakho uNgqongqotjhe womNyango wezokuLima amaHlathi neenHlambi bona akwenze ukusiza ilutjha eSewula Afrika bona lifundele zokulima ngobunengi? (2)
- 1.1.13 Ngokubona kwakho ngiliphi igadango ongalithatha ukuthuthukisa nokukhuthaza ilutjha bona likhuthale belelandele amabizelo wezokulima enarheni yekhethu? (2)

1.2 Qalisisa isithombe esingenzasi bese uphendula imibuzo elandelako.

ITHEKSTHI B



[Sithethwe ku-www.images.com]

- 1.2.1 Tlola bona sibizwani isisetjenziswa esiqalwe bentwanaba esithombeni esingehlesi. (1)
- 1.2.2 Ngikuphi okukhombisa bona abentwanaba abaninani ngokobuhlanga? Ipendulo ayibe liphuzu ELILODWA. (1)
- 1.2.3 Ngiziphi izinto ezithandwa bentwana ezivamise ukutholakala kilokhu abakuqalileko? Tlola kube KUNYE. (1)
- 1.2.4 Khetha ipendulo ekungasiyo kilezi ezilandelako.
- Umphumela omuhle wokusebenzisa lokhu okuvezwwe esithombeni kukobana abentwana:
- A Bagcina bangasadlali.
 - B Babukela namahlelo angakabafaneli.
 - C Bakopa izinto ezenziwa esisetjenziswenesi.
 - D Bahlakanipha khulu esikolweni. (1)
- 1.2.5 Ngokubona kwakho ngisiphi isiyeleliso ongasipha abazali bona abentwanaba bangalahlekwa sikhathi sokufunda nanyana sele banakho lokhu okuvezwwe esithombeni? (2)

IMITLOMELO YESIGABA A: 30

ISIGABA B: UKURHUNYEZA**UMBUZO 2**

Fundisa itheksthi engenzasi bese uayirhunyeza ngamaphuzu ali-7 amayelana **nezinto okufanele uzitjheje nawufuna ukuyokufunda emazikweni aphakamileko.**

IMIYALO:

1. Amagama angadluli kwama-60.
2. Nombora imitjhwakho kusukela kewoku-1 bekufike kewe-7.
3. Umutjho ngamunye owutlolako awube nomqondo OWODWA.
4. Tlola ngelimi elitsengileko ngombana uzokwabelwa imitlomelo emi-3.
5. Sebenzisa amagamakho ngendlela ongakghona ngayo ungabuyeleti utole okusesirhunyezweni.
6. Tlola inani lamagama owasebenzisileko ekupheleni kwesirhunyezo.

ITHEKSTHI C
**IZINTO OKUFANELE UZITJHEJE NAWUFUNA UKUYOKUFUNDA
EMAZIKWENI APHAKAMILEKO**

Yoke into ephasini iyalungiselelwa. Nawumfundu kuqakattheke khulu bona wazi amakghonwakho. Koke lokhu ufanele ukubone usese semagreyidini aphasi. Nasele ulungiselela ukuyokufunda emazikweni aphakamileko kuqakathekile bona uphumelele kuhle khulu igreyidi le-11.

Yenza irhubhululo ngebizelo olikhethileko ngaphambi kobana ufake isibawo eYunivesithinofana eKholiji. Qinisekisa-ke bona ufaka iimbawo zakho kusese nesikhathi ubalekele ukubanjwa mnyama. limbawo zakho zenze emazikweni aphakamileko ambadlwana. Abanye abafundi baphumelela ngamalengiso kodwana bangaragela phambili nokufunda ngombana umkhakha webizelo abalikhethileko ugcwele. Amaziko aphakamileko anehlelo lokukhetha abafundi elibizwa nge-*Point system*. Khuthalela ukwazi i-*Point System* yalapha ufunu ukuyokufunda khona. Ungenzi isibawo eYunivesithi ene-*Point System* ephezulu esifundweni seemBalo kanti wena uyazazi bona udosa emhlweni ngesifundwesi.

Khuthalela bona wenze iimbawo zemifundalize; ungazifumani utlhayeletwa yimali yamahlalo. Ukukhwela iinthuthi zabasebenzi kubudisi nakutlolwa iinhlahlubana ngombana zona zitlolwa kusukela nge-iri lesihlanu ntambama, nawuqedu ukutlolza zizabe zingasekho iinthuthi.

Yiba nelwazi letheknoloji ngombana yoke into seyensiwa *online* (Ngethintano letheknoloji). limbawo nokobana isikhala usitholile koke kwenziwa nge-inthanethi. Tjheja, ukungatjheji kuyabiza kazi kuthiwa ithuba lifana namanzi womlambo akhambako angeze wawathinta kabili, adlula adulule. Khupha amehlo enyameni ube nekusasa elikhanyako ngokwenza izinto isikhathi sisese khona.

[Itthethwe ku-Inthanethi yatjhugululelwa esiNdebeleni]

IMITLOMELO YESIGABA B: 10

ISIGABA C: IZAKHI NEMITHETJHWANA YOKUSETJENZISWA KWELIMI**UMBUZO 3**

Qalisia isikhangiso esingenzasi bese uphendula imibuzo elandelako.

ITHEKSTHI D**SIPHOLILE BEACH****ZIPHUMULELE ELWANDLE KULUNGE KOKE**

Lisa ukudosa iinyawo, rhaba uzifumanele indawo yokuphumula, uthabele umnuko ongaluphaliko wamanzi welwandle.

**IMIBANDELA**

- Ufaka isibawo sokuhlala ngaphambi kweemveke ezimbili.
- Yindawo yeenthandani ezitjhadleko kwaphela.
- Kubhadelwa ngekarada lesikolodo.


[Sithethwe ku-www.images.com]

- 3.1 Dzubhula amagama asesikhangisweni asetjenziselwe ukudosa abathengi. (1)
- 3.2 Buyelela utlole umutjho olandelako kodwana ube sebunengini.
Faka isibawo sokuhlala ngaphambi kweemveke ezimbili. (2)
- 3.3 Khetha ipendulo enembako kezingenzasi.
Amagama athi, 'umnuko ongaluphaliko' ahlathulula bona:
 A Amanzi welwandle akwenza bona ungaluphalili.
 B Amanzi welwandle anuka ubutjha ngasosoke isikhathi.
 C Nawududa elwandle uhlala unuka kamnandi.
 D Umnuko welwandle ukwenza ungaluphalili. (1)
- 3.4 Ucabanga bona ngiziphi izinto ezikhombisa bona umtloli uwalandele amaqhinga wokukhangisa? Ipendulwakho ayibe maphuzu AMABILI. (2)

- 3.5 Ingabe kunobuhlangothinofana ibandlululo esikhangisweni esingehla?
Sekela isiqunto osithetheko ngephuzu ELILODWA. (2)
- 3.6 Thatha isitjho esisesikhangisweni usisebenzise emtjhweni ozakhele wona kuvele bona uyayazi ihlathululo yaso. (2)
[10]

UMBUZO 4

Qalisisa ikhathuni engenzasi bese uphendula imibuzo elandelako.

ITHEKSTHI E

- 4.1 Tlola ibizo-senzo elitholakala ekulumeni yabantwaba. (1)
- 4.2 Tlola igama elimqondofana naleli elithi: 'Mntakamalume'. (1)
- 4.3 Ibizo elithalelwoko emutjhweni ongenzasi limhlobo bani wesabizwana?
Mina ngidiniwe ukubizwa ngobhayi. (1)
- 4.4 Buyelela utole umutjho ongenzasi bese kuthi egameni elithalelwoko utole eliveza ubulili obuduna.
Ngifuna ukuhlala nginzinze nonobentwabami. (1)

4.5 Khetha ipendulo enembako kilezi ezilandelako.

Ikulomo ethi 'Bhinca-ke' njengombana isetjenziswe ekhathunini le ihlathulula bona:

- A Yenza amalungiselelo wokuthatha umakoti.
- B Yenza amalungiselelo wokufunda.
- C Yenza amalungiselelo wokuyosebenza.
- D Yenza amalungiselelo wokuba lisokana.

(2)

4.6 Thatha igama elithalelwoko ulisebenzise emutjhweni ozakhele wona kuvele enye ihlathululo ehlukileko kunale esekhathunini engehla.

Mina ngidiniwe ukubizwa ngobhay.

(2)

4.7 Buyelela utole umutjho olandelako kodwana kuthi esikhundleni samagama athalelwoko ujamiselele ngehlahululo yawo.

Isokana elikhulumu nomntakamalumalo lifuna ukuhlala linzinze.

(2)

[10]

UMBUZO 5

5.1 Funda itheksthi engenzasi uyizwisise bese uphendula imibuzo elandelako.

ITHEKSTHI F

Ngenyanga egadungileko kube nendumezulu yomtjhado omhlophe twa endaweni yaKwaDlawulale. Umakoti nomkhwenyana basebenza imisebenzi ethe tjha. Umakoti usebenza emnyangweni wezamaphilo. Kanti umkhwenyana usebenza kwa-SARS. Unonkghadanyana wabindwa lithuli, bekuhlatjwe iinkomokazi ezimbili.

5

Abanikazi bomtjhado lo bebabonakala bonyana badla izambana leponde, ngombana nakuyiwa eenthombeni kwakhanjwa ngesiphaphamtjhini. Phasi bekukhamba iimodere ezibonakala kungezemali etjhisiweko. Koke bekukarisa kusukela ekuhlotjisweni kwetende, iimpelesi nokudla. Koke bekususa itjhirho yamehlo. Wu! ukudla khona bekungasimnandi, bekwehla esiphundu. Bekungatlhogeki bonyana ukunambithe qangi, ngokukuqala nje umuntu bekaginya amathe. Kwamambala ukukhamba kubona ungathi umdala ungakaboni.

10

5.1.1 Tlola isenzukuthi esitholakala esiqetjhaneni esingehla.

(1)

5.1.2 Buyelela utole umutjho ongenzasi lo ube sesikhathini esizako.

Ngeveke egadungileko kube nendumezulu yomtjhado.

(2)

5.1.3 Khupha iinkhekhe zekulomo ezakhe ibizoqarha/ibizomvango elilandelako.

Isiphaphamtjhini.

(2)

- 5.1.4 Buyelela utlole umutjho olandelako bese unciphisa igama elithalelweko.
- Umakoti nomkhwenyana bakhamba ngesiphaphamtjhini ukuya eenthombeni. (1)
- 5.1.5 Buyelela utlole umutjho ongenzasi lo uveze ukuvuma.
- Ukudla bekungasimnandi bekwehla esiphundu. (1)
- 5.1.6 Buyelela utlole umutjho ongenzasi lo bese kuthi esikhundleni se-akhronimi ethalelweko utlole amagama apheleleko.
- Umkhwenyana yena usebenza kwa-SARS. (2)
- 5.1.7 Ngokuyeleta imithetho yokutlola nokupeledwa kwamagama buyelela utlole umutjho olandelako bese uwupeleda ngendlela efaneleko.
- Umakoti usebenza emnyangweni wezamaphilo. (2)
- 5.1.8 Khetha ipendulo enembako kilezi ezilandelako.
- Ikulumo ethi, 'ukudla izambana leponde' ihlathulula bona:
- A Udla izambana elikhulu.
 - B Kukuba nezinto ekungezakho.
 - C Udla amazambana wodwa.
 - D Udla izambana elitjhophileko. (1)
- 5.1.9 Thatha amagama athalelweko emutjhweni ongenzasi bese uzakhela wakho umutjho kodwana uveze ihlathululo yamagama lawo.
- Phasi bekukhamba iimodere ozibonako nawe bona zibiza imali etjhisiweko. (2)

5.2 Qalisisa isithombe esingenzasi bese uphendula imibuzo elandelako.

ITHEKSTHI G

Iinthuthi zemithwalo nemiphakathi.



Ezinye zithutha imithwalo nabantu kuthi ezinye zithuthe abantu nofana imithwalo.

[Sithethwe ku-www.images.com]

5.2.1 Tlola bona ibizo 'iinthuthi' limhlobo bani webizo bese uyalitjhugulula libe sisenzo. (2)

5.2.2 Sebenzisa isihlanganiso esifaneleko ukuhlanganisa imitjho EMIBILI le engenzasi.

Abantu bathanda ukusebenzisa iinthuthi zomphakathi. Iinthuthi zomphakathi zitjhophile. (2)

5.2.3 Buyelela umutjho ongenzasi bese uyawutjhugulula ube yikulomo engakanqophi.

Abatjhayeli bathi, 'Bakhweli ngenani ningasunduzani'. (2)

[20]

IMITLOMELO YESIGABA C:
INANI LOKE:

40

80